

INUIT ATAQATIGIIT

Inatsisartuni



3. Januar 2020

Inatsisartut suleriaasianni § 37, imm. 1 naapertorlugu matumuuna Naalackersuisunut imaattumik apeqquteqaateqarpunga.

Naalackersuisunut apeqqutit:

1. Akileraartarnermut Aqutsisoqarfimmi qarasaasiakut atortorissaarutit imatut aqqissuussaappat kisimiilluni erinarsortartutut nipilersortartutullu, timersornikkut aliikkusersuisartutut, nipilersortartutut, atuakkiortutut, allatut tamatigut eqqumiitsuliortutut, timersortartutut, aviisitigut allaaserinnittarnikkut, eqqartuussisutut, eqqartuusseqataasutut illersuisutullu akissarsiat ataasiakkaarlugit immikkoortiterlugit nalunaarsorneqarsinnaallutik?
2. *Aningaasarsianit akileraarutit aamma sulisoqarnermut akitsuutip akilersinneqartarneri pillugit Namminersorlutik Oqartussat nalunaarutaat nr. 10, 20. september 2011-meersoq naapertorlugu, kisimiilluni erinarsortartutut nipilersortartutullu, timersornikkut aliikkusersuisartutut, nipilersortartutut, atuakkiortutut, allatut tamatigut eqqumiitsuliortutut, timersortartutut, aviisitigut allaaserinnittarnikkut, eqqartuussisutut, eqqartuusseqataasutut illersuisutullu akissarsiat*
Aningaasarsiat A-tut isigineqarput.
 - a. Sooq aningaasarsiat taakku **Aningaasarsiat A-tut** isigineqarpat?
 - b. Aningaasarsiat taakku **Aningaasarsiat B-tut** isigineqalissappata inatsisit atuuttut sorliit allanngorteqqaarneqartariaqarpat?
 - c. Aningaasarsiat taakku **Aningaasarsiat B-tut** isigineqalissappata nalunaarutit atuuttut sorliit allanngorteqqaarneqartariaqarpat?
 - d. Aningaasarsiat taakku **Aningaasarsiat B-tut** isigineqalissappata Akileraartarnermut Aqutsisoqarfimmut qanoq tamanna kinguneqassava?
 - e. Aningaasarsiat taakku **Aningaasarsiat B-tut** isigineqalissappata Nunatta Karsianut qanoq tamanna kinguneqassava?
 - f. Aningaasarsiat taakku **Aningaasarsiat B-tut** isigineqalissappata Kommunit aningaasaqarnerannut qanoq tamanna kinguneqassava?
3. Kisimiilluni erinarsortartutut nipilersortartutullu, timersornikkut aliikkusersuisartutut, nipilersortartutut, atuakkiortutut, allatut tamatigut eqqumiitsuliortutut aningaasarsiat aningaasarsiat pissarsiariniarnerini aningaasartuutit peereerlugit akileraarutissartaasa 42 procentimit 15 procentimut apparneqarnerat pissappat;
 - a. Inatsisit atuuttut sorliit allanngorteqqaarneqartariaqarpat?
 - b. Nalunaarutit atuuttut sorliit allanngorteqqaarneqartariaqarpat?
 - c. Akileraartarnermut Aqutsisoqarfimmut qanoq tamanna kinguneqassava?
 - d. Nunatta Karsianut qanoq tamanna kinguneqassava?
 - e. Kommunit aningaasaqarnerannut qanoq tamanna kinguneqassava?

(Inatsisartunut Ilaasortaqaq Peter Olsen, Inuit Ataqatigiit)

Tunngavilersuut:

Apeqquteqaateqarninnut tunngavilersuutigaara nipilersortartut eqqumiitsuliornerullu silarsuaata iluani ingerlataqartut allat naammagittaalliortalermata naak CVR.NR.-qaraluarlutik toqqaannaq aningaasarsiaat akileraarutaannik A-nik akileraaruserneqartarsimanertik pillugu.

Saaffiginnissimasut ilaata allataa imaattoq issuaffigilaarusuppara:

“Aajunali ajornartorsiutiga, suliffeqarfeeqqatut (GER normulittut) ingerlanera maannakkut Akileraartartoqarfimmiit innarleqaqqavoq. Tassa imaalluni suliassat annertulaartut Katuamit, NAPA-mit aammalu Nunatta isiginnaartitsisarfanit pilersinneqartarput. Taakkulu Akileraartartoqarfimmiit oqarfigitissimapput, projektimik suliaqartut kikkut tamarmik, namminersortuugaluarpataluunniit toqqaannaq akileraartinneqartassasut. Tassanilu ajornartorsiut pinngorpoq. Tassani ukiumoortumik naatsorsuutit atuussinajunnaarput, taavalu qaammammut suliffeqarfimmut atuinitsinni ilanngaataasartut, akileraarnermi ilanngaataasartut aamma atuukkunnaarput”

Paatsuungassutigineqaleqqavoq CVR.NR. sumut atorneqassanersoq. Taamaattumik pisariaqarsorinarsivoq CVR.NR.-ip. aamma Aningaasarsianit akileraarutit aamma sulisoqarnermut akitsuutip akilersinneqartarneri pillugit Namminersorlutik Oqartussat nalunaarutaat nr. 10, 20. september 2011-meersoq § 7 imm. 8 malillugu nipilersortartut eqqumiitsuliornerullu silarsuaata iluani ingerlataqartut aningaasarsiat akileraarutaanniit A-nit akileraaruserneqartussaanerit imminnut qanoq attuumassuteqarnerisut; CVR.NR.-lik aningaasarsiat A-nit akileraaruserneqassava? Imaluunniit naamik?

Tamaatut tunngavilersuuteqarlunga apeqquteqaatikka matumuuna ingerlateqqippakka.

Qinnutigissavara apeqquteqaatima ullut suliffiusut qulit iluanni akineqarumaartut.